

Problema ku Privasidat —Kiko Abo Lo Hasi?



TEMPU PA BO MES



KASO REAL

“Tin biaha mi ke djis ta mi so i dil ku mi kosnan riba mi mes. Pero mi ruman muhénan mas grandi gusta hasi manera ta mucha chikitu mi ta i nan ke sa tur kos! No ku mi tin nada di skonde, pero mi no ta sinti ku mi mester kontá nan tur kos!”—Allison.

Dikon bo ta kere ku e ruman muhénan di Allison ta trat’é manera mucha chikitu?

Kiko Allison por hasi pa laga su rumannan sa ku e tin mester di mas privasidat?

Si abo tabata Allison, kiko *abo* lo a hasi?



BO KAMBER

KASO REAL

“Ora mi dia no bai bon, mi ke pa tur hende laga mi na pas. Klaru ku ta bon ku mi mayornan ta interesá den mi, pero tin biaha nan ta kana drehta den mi kamber nèt ora mi mester di tempu pa mi mes!”—Ryan.

Bo ta kere ku e mayornan di Ryan ta preokupá p'e?

Si ta asina, kiko Ryan kisas ta hasiendo (òf no ta hasiendo) ku ta pone su mayornan preokupá mas?

Si abo tabata Ryan, kiko *abo* lo a hasi pa gana e konfiansa di bo mayornan?



BO TELEFÒN

KASO REAL

“Kada biaha ku mi mama tabata mira mi telefòn e tabata lesa mi mensahenan. Un biaha el a asta blòkia un di mi amigunan ku segun é no tabatin bon influensia riba mi.”
—Nadine.

Bo ta kere ku Nadine su mama ta preokupá p’e?

Si ta asina, kiko Nadine kisas ta hasiendo (òf no ta hasiendo) ku ta pone su mama preokupá mas?

Si abo tabata Nadine, kiko *abo* lo a hasi pa gana e konfiansa di bo mama?
